

Լուացեր, հայ, լըւացեր,

Դարձեր ջրին հարցմունք եղեր, հայ,

Ջուր դու ի որ լեռնէն կուգաս,

Իմ պաղուկ ջրիկ է'անուշիկ, հայ,

Ես այն լեռնէն կուգամ

Որ հին ու նոր ձիւնն ի վրան, հայ,

Ջուր, դուն ի որ առուն կերթաս,

Իմ պաղուկ ջրիկ է'անուշիկ, հայ,

Ես ի այն առուն կերթամ,

Որ փունջը չատ է մանուշակին, հայ,

Ջուր դու, ի որ այգին կերթաս,

Իմ պաղուկ ջրիկ է'անուշիկ, հայ,

Ես ի այն բոյս կուջրեմ,

Որ տակն խոտ բերէ դառին, հայ,

Ջուր դու, ի որ պաղչայ կերթաս,

Իմ պաղուկ ջրիկ է'անուշիկ,

Ես ի այն պաղչան կերթամ,

Որ պիւլպիւլին ձայնն կուգայ, հայ,

Ջուր դու, ի որ աղբիւր կերթաս,

Իմ պաղուկ ջրիկ է'անուշիկ, հայ,

Ես ի այն աղբիւր կերթամ,

Որ գայ իմ տէրն ջուր իմէ, հայ,

Բարեւմ ի դէմ երթամ,

Ապա սիրովն յաղենամ, հայ,

ԿԱՐԵԻՈՐ ԼՈՒՐԵՐ

Հայ ԲԱՐԵՐ.— Ես լրագիրը առնելով Խարբերդում հրատարակուող «Եփրատ» լրագրից, գրում է, որ Հայ—քուրդերը ոչ մի հասկացողութիւն չունեն իրանց Հայ ծագման մասին և չգիտեն հայերէն։ Դրանք տարբերում են իսկական քրդերից իրանց բարբառով և բարբով, որ կրում է հայկական դրոշմ, իրանց նախնիներից պահպանել են միայն քրիստոնէական կրօնը, որը միակ անջրպետն է հանդիսանում մահմեդական քրդերի հետ ձուլուելուն։

Կ. Պօլսոյ «Հայրենիք» լրագիրը հրաւիրում է հայերի միահամուռ գործակցութիւնը այս հայ քրդերի կրթու-

թեան և հայ քաղաքակրթութեանը հաղորդակից դարձնելու վերայ»

Լրագիրները հաղորդում են որ ակադեմիկ Մառը յայտնել է, թէ հայ-վրացական բանասիրութեան գործիչներին ամառս ենթադրուած ժողովը չի կայանալ:

Մոսկվայում պատրաստուում են տօնել Մայիս 2-ին բանաստեղծ պ. Ալէքսանդր Մատուրեանի գրական գործունէութեան 25 ամեակը. յօբելեանի առիթով կընդունուեն ուղերձներ, հեռագրեր, դրամական նուէրներ:

Յանկութիւն կայ պ. Շիրվանդադէի գրական գործունէութեան 25 ամեակն էլ տօնել. Շիրվանդադէն յայտնի է որպէս վիպագիր և թատերագիր: Նրա գրական գործունէութեան առիթով Արարատում լոյս է տեսնում մի ընդարձակ յօդուած, ուր խօսուում է, թէ միջավայրը ինչ ազդեցութիւն է ունեցել թէ Շիրվանդադէի և թէ նրանից առաջ եղած հայ վիպագիրներին վերայ:

Է Դ Ո Ի Ա Ր Դ VII

Անգլիայի վեհապետ Էդուարդ VII-ի մահը տեղի ունեցաւ ապրելի 23-ին, երեկոյեան ժամը 11 և 50 րօպէին, կարճ հիւանդութիւնից յետոյ, 69 տարեկան հասակում:

Մեծ-Բրիտանիայի թագաւոր և Հնդկաստանի կայսր Էդուարդ VII-ը Վիկտորիա թագուհու և նրա ամուսին պրինց Ալբերտի անդրանիկ որդին էր. նա ծնուել է 1841 թ. նոյեմբերի 9-ին Լօնդօնում, Բուքինհէմի պալատում. մկրտութեան ժամանակ ստացաւ Ալբերտ-Էդուարդ անունը, բայց իբրեւ դահաժառանգ յայտնի էր Ուէլսի պրինց կամ, ըստ ֆրանսիացիների, prince de Galles անունով:

Նրա կրթութեան վրայ հսկում էր յատկապէս հայրը՝ Ալբերտ պրինցը, որ մի շատ կրթեալ անձնաւորութիւն էր: Ընտանեկան կրթութիւնից յետոյ երիտասարդ Էդուարդը մտաւ Էդլինբուրգի համալսարանը, իսկ 1838—60 թ. լսեց դասախօսութիւններ Օկսֆորդի և Կէմբրիջի համալսարաններում: Ապա նա ճանապարհորդեց Հիւսիսային Ամերիկայում:

Մտնելով զինւորական ծառայութեան մէջ՝ նա ստացաւ գնտապետի աստիճան և 1861 թ. մի քանի ժամանակ ապրեց զօրաբանակի մէջ, իսկ յետոյ ճանապարհորդութիւն կատարեց Արևելքում դօքտօր Ստէնլիի և Բիչարդ Օվէնի ուղեկցութեամբ: Վերադարձին Անգլիա՝ նա, իբրև Կօրնվալլեան դուքս, լօրդերի պալատին անդամակցեց և իր հովանաւորութեան ներքոյ առաւ շատ բարեգործական հիմնարկութիւններ: Նա ամուսնացաւ 1863 թ. դանիական թագաւոր Քրիստիան IX-ի դստեր՝ իշխանուհի Ալէքսանդրայի հետ, որ ռուսաց Մայր-Կայսրուհի Մարիա Ֆէօդօրօվնայի հարազատ քոյրն է: 1875 թ. Էդուարդը դարձաւ անգլիական մասսօնների մեծ մագիստր, Լինեւլով գահաժառանգ, նա քիչ էր մասնակցում Անգլիայի քաղաքական գործերին. 1875—76 թ. նա, լօրդ Բիկօնսֆիլդի պնդմամբ, մի ճանապարհորդութիւն կատարեց Հնդկաստան, որից յետոյ և Վիկտորիա թագուհին ընդունեց հնդկական կայսրուհու տիտղոսը:

Մտնելով բրիտանական զօրքի մէջ գնդապետի աստիճանով, հասաւ ֆելդմարշալի աստիճանին և համարւում էր նաև պրուսական զօրքի ֆելդմարշալ: Ալէքսանդր III ռուսաց Կայսրի մահից յետոյ, նա 1394 թ. այցելութիւն տուեց ռուսական արքունիքին: Վիկտորիա թագուհու մահից յետոյ, նա բարձրացաւ 1901 թ. յունուարի 22-ին (ն. տ.) անգլիական գահը, իբրև արքայ Մեծ Բրիտանիայի և կայսր Հնդկաստանի Էդուարդ VII անունով, և մի քանի օրից յետոյ հանդիսաւոր երդումն ընդունեց՝ հաւատարիմ մնալու սահմանադրութեան, իսկ փետրվարի 14-ին անձնապէս բացեց պարլամենտը գահական ճառով:

Էդուարդ VII-ի աւագ որդին, գահաժառանգ Ալբերտը մեռաւ 1892 թ., իսկ այժմ Անգլիայի գահն է բարձրանում նրա երկրորդ որդին՝ Գէորգ Ֆերդինանդ Էրնէստ իշխանը (ծն. 1865 թ.), որ յայտնի է նաև Եօրքի և Կօրնվալլի դուքս և Ուէլսի պրինց անունով:

Բիւզանդիոնը հաղորդում է, որ Մարտի 21-ին Գերմանիայի կայսեր որդին Այտէլ Ֆրիերիխ և իւր ամուսինը հասել են Երուսաղէմ:

Նորին բարձրութիւններին դիմաւորել են ս. Յարութեան տաճարում, ըստ սովորութեան՝ տաճարի դրան առաջ՝ լատինաց պատրիարքը, տաճարի դրան ներքնագաւթում, Քրիստոսի պատանաւորու առաջ՝ մեր պատրիարքական տեղապահը, իսկ գերեզմանի առաջ՝ յունաց պատրիարքի կողմից մի եպիսկոպոս:

Այցելել են Յարութեան տաճարում լատինաց յունաց և Հայոց մատուռները: Ս. Յարութեան տաճարից մեկնելուց յետոյ այցելել են նաև Հայոց Ս. Յակովբեանց Մայրավանքը ու առաջնորդուել պատրիարքարանի գահլիճը, ուր պատրիարքական տեղեպահը բարի գալուստ է մաղթել իշխանը իմանալով, որ սրբազան պատրիարքը 95 ամեայ է և զառամելութեան պատճառով անկարող է եղել դիմաւորել, փափագել է ինքն անձամբ գնալ նրա սենեակն ու տեսնել, բայց այդ ժամանակ ծերունի պատրիարքը վարդապետների օգնութեամբ առաջնորդուել է գահլիճ, որին դիմաւորել են իշխանն ու իշխանուհին: Ծերունի պատրիարքը անգլիերէն մի քանի բառեր թոթովելով յայտնել է, որ Պրուսական արքայական գերդաստանի պատկերները գահլիճի մէջ են:

Իշխանն ու իշխանուհին և իրանց հետևորդները պատուասիրուել են արևելեան ճաշակով, և 20 ըոպէի չափ գահլիճի մէջ մնալուց յետոյ գոհ սրտով հեռացել են խոստանալով ուրիշ առթիւ այցելել նաև Ս. Յակովբեանց Մայր Տաճարը: